

Akilerarusiinernik Aalajangiisartut aalajangiinerat

Kinaassutsimik uppersaaneq 2019-13918

Aalajangiisoqarpoq: 4. novembari 2019

Aalajangiinerup tamanut saqqummiunneqarnera:

Ukioq isertitaqarfiusoq 2014 - 2017

Sammissaq: Akileraarutit

Sammissami oqaatsit atorneqartut: Akeqanngitsumik ineqarneq, pingaarnertut aktiaatilik, siumoortumik akiliigallarnernut konto, allanngineq

Eqikkaaneq

Akeqanngitsumik ineqartitaanerup nalingi pillugit naammagittaalliuut. Aqutsisoqarfimmi paasinnittaaseq malillugu naammagittaalliuuteqartoq ilaannakortumik akeqanngitsumik illumi naammagittaalliuuteqartup ingerlatseqatigiiffiutaata pigisaani najugaqarsimammatt Aqutsisoqarfimmit akissarsiat akileraarutaasussaataasut inigisap akeqanngitsup nalinganik amerlineqarsimapput. Naammagittaalliuuteqartup isumaa malillugu atugassiutigineqartumik tamakkiisumik akiliisoqarsimavoq, tassami naammagittaalliuuteqartup akissarsiani, ilanngaatiit peereerlugit, ingerlatseqatigiiffiup kontuaniitissimammagit.

Akilerarusiisarnernik Aalajangiisartut naammagittaalliuuteqartoq akuersaanngilaat, akissarsiammi siumoortumik akiliutigineqarallartut kontuannut inissinneqarsimammata, tamatumani akissarsiat taakku ingerlatseqatigiiffimmit naammagittaalliuuteqartumut tunniunneqartussaammata.

Suliassami pissutsit piviusut

Naammagittaalliuuteqartoq ingerlatseqatigiiffimmi atorunnaarsinneqalersumi amerlanerpaanik aktiaateqarpoq. Ingerlatseqatigiiffiup naammagittaalliuuteqartoq inissiamik atugassippaa. Ingerlatseqatigiiffimmit inigisap akeqanngitsup nalinga nalunaarutigineqarsimanngilaq aamma naammagittallortup nammineq inigisaq akeqanngitsup nalunaarutigisimanngilaa.

Tamanna ingerlatseqatigiiffiup naatsorsuutaani takuneqarsinnaavoq, tassa naammagittaalliuuteqartoq imatut akilisimasoq. Oktobari 2015-imiit siumullu inissiamut nammineerluni qaammammut akiliutigisartagai 5.000,00 kr.

Akilerartarnermut Aqutsisoqarfimmi ukiunut 2014 - 2017-imut akissarsiat akileraarutaasussat inigisap akeqanngitsup nalinganik amerlineqarput, tassa tamanna Akilerartarnermut Aqutsisoqarfimmi ukiumoortumik inigisanik akeqanngitsunik tamakkiisumik ilaannakortumilluunniit ukiunut taakkununga akilerarusiisarnissat pillugit nalunaarutaat malillugit naatsorsorneqareermata aammalu naammagittaalliuuteqartup nammineerluni akiliutaanik ilanngarlugit.

Naammagittaalliuuteqartup paasinninnera

Naammagittaalliuuteqartup isumaa malillugu qaammammut nammineerluni 5.000,00 kr.-inik akiliisarnermi saniatigut ingerlaavartumik nammineerluni akilersuisarsimavoq. Tamatumani naammagittaalliuuteqartup ilanngaatit peereerlugit akissarsiaasa ingerlatseqatigiiffiup aningaaserivimmi kontuaniiginnarsimaneranik aamma naammagittaalliuuteqartup ingerlatseqatigiiffiullu akornanni siumoortumik akiliutaagallartunut kontumut inissinneqarsimanerat tunngavilersuutigineqarpoq.

Taamatutaaq naammagittaalliuuteqartup paasinnittarnera malillugu Akileraartarnermut Aqutsisoqarfimmi akissarsiat akileraarutaasussat ineqarnermut akiliutinik amerlillugit kingumoortumillu atuutilersitsisinnaappata aamma nammineq siumoortumik akiliutaasartunut kontumi aningaasat kingumoortumik atuutilersumik allanngortissinnaatitaavoq.

Inatsisitigut malittarisassanut inatsisitigullu periaatsinut innersuussinerit

Akissarsianut akileraarutaasussanut ukiumoortumik isertitat tamarmik ilaatinneqarput, tamakku aningaasaanersut imaluunniit pigisaanersut aningaasanik nalillit apeqqutaatinnagit aamma Kalaallit Nunaanneersuuppata nunanilluunniit allaneersuuppata apeqqutaatinnagit, una takuuk. Aningaasarsianit akileraarutit pillugit Inatsisartut inatsisaanni nr. 12, 2. november 2006-imeersumi §§-it 13 aamma 14.

Aningaasarsiat akileraarutaasussat pillugit inatsimmi § 14 naapertorlugu aningaasarsiat akileraarutaasussat ilaatinneqarput, ilaatigut inuit allat pigisaannik akeqanngitsumik atuinerit.

Ajunngitsorsiassat arlaasa nalingisa akileraarusersornissaannut ukiut tamaasa Akileraartarnermut Aqutsisoqarfik ilitsersuutinik massakkut atuuttunik nassiussisarpoq, ajunngitsorsiassanilu pineqarput ajunngitsorsiassat sulisitsisumit tunniunneqarsimasut, soorlu akeqanngitsumik ineqartitsinerup nalinga.

Ukiuni isertitaqaataaffiusuni 2014-imiit 2017-imut tamakkiisumik ilaannakortumilluunniit akeqanngitsumik ineqarnerit akileraarusersorneqarsimanerat Akileraartarnermut Aqutsisoqarfimmit Nalunaarutaani nr. 75-imi, 4. oktobari 2013-imeersumi, nr. 82-imi 12. oktobari 2015-imeersumi kiisalu nr. 99-imi 12. septembari 2016-imeersumi nalunaarutigineqarput.

Akileraarusiinernik Aalajangiisartut naliliinerat tunngavilersuutaallu

Ukiuni isertaqaataaffiusuni taakkunani naammagittaalliuutigineqartuni ingerlatseqatigiiffiup inissiaq atugassiissutigisimagaa isumaqatigiissutigineqarpoq. Akileraartarnermut Aqutsisoqarfimmi ukiuni taakkunani inissiap nalinganik naatsorsuisoqarnera qularineqanngilaq.

Akilerartarnermut Aqutsisoqarfimmit naammagittaalliuuteqartoq inigisami nalinga tamakkerlugu akilerartarsimanginneranik paasinninnera taamaallaat naammagittaalliuuteqartup naammagittaalliuutigaa.

Naammagittaalliuuteqartoq siumoortumik akiliutaagallartunut kontukkut ineqarnermut akiliisarsimavoq. 2014-imi akiliisoqarsimangilaq, kisianni ukiuni 2015 – 2017-imi imatut akiliisoqartarsimavoq. 15.000, kr. 60.000 kr. aamma 60.000. Akilerartarnermut Aqutsisoqarfimmi akeqanngitsumik ineqartitaanerup nalinga akileraarutissatut aalajangersarnerani nammineerluni akiliutigisimasat ilanngaatigineqarput.

Naammagittaalliuuteqartup akissarsiani, ilanngaatit peereerlugit, ingerlatseqatigiiffiup aningaaserivimmi kontuaniitinnerisigut ineqarnermut akiliuteqartarsimalluni siusinnerusukkut oqaatiginikuuaa, tassa imaappoq piviusumik ingerlatseqatigiiffimmit pissaqarsimavoq. Tamanna siumoortumik akiliutissatigut nammineerluni akiliutinik illikartitsinerungilaq - aamma akiligassaqartup naammagittaalliuuteqartup ingerlatseqatigiiffimmit pissaanit ilanngaateqarluni ineqarnermut akiliutissanik akiliinissani siunertarisimagaluarpaguluunniit apeqqutaatinnagu. Akeqanngitsumik ineqarneq ukiuni isertitaqaataaffiusuni taakkunani akeqanngitsumik ineqarfiusimasut nalingat akileraaruserneqartussaataavoq. Ingerlatseqatigiiffiup atorunnaarsinneqarnerani ilanngaatit peereerlugit amerlanerusunik pissarsiumalluni ukiuni isertitaqaataaffiusuni akilerarusiiumanani ineqarnermut akiliutit kingumoortumik atuuttussanngortinneqarsinnaanngillat.

"Akilerartartoq Akilerartarnermut ingerlatsivittulli suliassanngortitseqqinnissaminut pisinnaatitaaffeqartoq" eqqortuuvoq – isertitat qanoq amerlatiginissaannik aalajangiinnermut tunngatillugu, assersuutigalugu isertitat aningaasartuutilluunniit puigorsimagaanni. Akerlianik "Akilerartarnermut ingerlatsivimmi nammineerluni nalunaarsuineri isertitanik allannguinissamik eqqarsaateqarnera" eqqortuunngilaq.

Isertitat amerlassusissaannik aalajangiinnermi ukiup ingerlanerani pissutsit piviusut tunngavigalugit aalajangiisoqartassaaq - tassunga ilanngullugit ineqarnermut akiliutissanut nammineerluni piviusumik akiliutaasimasut. Pissutsit piviusut kingumoortumik atuuttussanngorlugit allanngortinneqarsinnaanngillat, inuttut nammineerluni allannguisinnaatitaaneq Akilerartarnermut ingerlatsiviit pillugit inatsimmi § 50 malillugu allanngortinneqarsinnaasoq eqqaassanngikkaanni. Pisumi matumani ineqarnermut akiliutitut ittunik naammagittaalliuuteqartoq allannguinngitsoorsimappat taamaattumillu allannguutissanik allanngugassaqaanngikkaangat.

Akilerarusiinernik Aalajangiisartut aalajangiinerat

Akilerartarnermut Aqutsisoqarfimmi ukiuni isertitaqaataaffiusuni 2014 – 2017-imi akeqanngitsumik ineqarnerup nalinganik amerlassusiliineq **aalajangiisimaneqarpoq.**

Inatsisitigut tunngavigisaq: Aningaasarsianit akileraarutit pillugit Inatsisartut inatsisaanni nr. 12 2. november 2006-imeersumi §§-it 13 aamma 14.

Akilerartarnermut Aqutsisoqarfimmi nalunaarut nr.75, 4. oktobari 2013-imeersoq, nr.
82, 1. oktobari 2014-imeersoq,
nr. 91, 12. oktobari 2015-imeersoq aamma nr. 99, 12. septembari 2016-imeersoq.